

Եգիպտոսի, և բովանդակ երկիր նոցին ընդ Պաղեստինոյ եւ Սուրիոյ անկաւ ընդ իշխանութեամբ Օսմանեան հզօր Պետութեան, որոց տիրեցին և տիրեն ցարդ հառաւարեալ 'ի ձեռն կուսակալաց: Արարացի Յոյն պատմիչն յառաջ բերէ աստանօր, առեալ 'ի Լատին ճանապարհորդաց: « Սուլթան Սէլիմ որդի Պայեզիտայ, յարչաւանի իւրում յեգիպտոս, եկն յերուսաղէմ, եւ ոմանք յայլազգեաց ազդարարին նմա, թէ Լատին կրօնաւորք որք բնակին յերուսաղէմ, ունին անթիւ սակիս եւ գանձս բազումս, և Սուլթանն կոչեալ զնոսա առաջի իւր խնդրեաց 'ի նոցանէ զգանձն, և նօքա ժխտեցին թէ՛ չունիմք զայդպիսի իրս, իսկ մի ոմն 'ի թուրքաց ասէ՛ կրօնաւորքք թաղեալ են ըզգանձս իւրեանց յերկիր: Սէլիմ հրամայեաց բանտարկել զնոսա 'ի բերդն՝ մինչեւ խոստացին ցուցանել զտեղի գանձուն, և պատուիրեաց չտալ նոցա կերակուր, բաց 'ի չորարեկ հացէ և սակաւ ինչ ջրոյ, և մնացին անդ ամիսս 27, և բազումք մեռան 'ի քաղցու և 'ի դառն տանջանաց, զոր տային նոցա պահապանքն, սակայն նօքա եւ ոչ մի ինչ յայտնեցին զոր պահեալ էին, և Սուլթանն յորժամ պատրաստէր ճանապարհորդել 'ի մայրաքաղաքն, գլխացեալ արձակեաց զնոսա »:

Ձեռն յաւելու և Մարինոս Լատին այսպէս, 'ի բանտարկիլ Լատին կրօնաւորացն Երուսաղէմի հրամանաւ Սէլիմայ արքային, զսեփհական տեղիս մեր 'ի տաճարին Սուրբ Յարութեան՝ յանձնեցաք 'ի պաշտպանութիւն Հայոց և մասն ինչ 'ի կենաց փայտէն պահեալ 'ի Սեղանի եկեղեցւոյն, տուեալ 'ի Հերակլէ կայսեր (628) իսկ Հայք ասէ՛ կարծելով թէ՛ այլ եւս ոչ դառնան Լատինք 'ի տեղիս իւրեանց, զխտչն զայն տուեալ առաքեցին 'ի հայրենիս իւրեանց: զոր յետոյ իբր թէ մեծաւոր նոցին մեծ աշխատութեամբ և ծախիւք 'ի ձեռս բերեալ, վերստին եղեալ է 'ի նոյն սեղանի. եւ դարձեալ 'ի բանտարկիլ նոցա 'ի պատերազմին Կրետէ կղզւոյն, անյայտ եղեալ է խաչն այն, և այլ եւս ոչ կարացեալ են գտանել: Ահա այս է չափ երախտագիտութեան Լատին կրօնաւորաց:

Չու արարեալ Սէլիմայ 'ի Պաղեստինէ եհաս 'ի Կոստանդինուպօլիս, ուր եգիտ զգեսսական թաղաւորին Սպա-